


醫籍攷

卷七十三
方論五十一

1110
2
37



世
2
37

九井堂山田
氏圖書之記

醫氏
齋

醫藏
目録

醫籍考卷七十三

東都 丹波元胤紹翁 編

方論 五十一

徐氏 守真 胎產

醫藏目錄一卷

青囊雜纂急救仙方所收分作三卷

存

徐守真序曰醫之療疾莫難於婦人婦人之疾莫重於胎產胎產之重者何蓋以一身之疾否繫乎母子之存亡故千金方部居獨以婦人廁其首此思邈孫真人之用心不苟矣世之胎產諸方不為不富然其間多犯冗僻貴冗則倉卒之際

難備僻則窮鄉下邑難得貴則貧窶之家難求三者雖非君子用心之不周而人之蒙其惠者往往求什一於千百今此方之編分爲三類未附以雜病雖不能如諸方之廣載博該要之不犯冗僻貴而凡胎產危急之證大略亦盡之矣俾倉卒之際窮鄉下邑貧窶之家皆得易而求之雖一草一木足以收效豈若前三者之難爲功哉苟有用者始信其爲閨門之重寶云金川徐守貞序

亡名氏仙傳濟陰方

三卷

存

章貢序曰右濟陰方一帙神效不可具述比者吾母嘗遭疾徧求於醫久而未效一日會釋氏子能專濟陰科因請其藥而歸服不盡劑其病已愈遂袖香致謝并叩其方惟得異香四神散蒲黃黑神散烏犀丸而已固常切慕其全方竟爾未獲後遇吾師原陽趙公問道之暇出示全方實與前釋氏子所專科者同出一源因嘆一方一效之緣遇者各有其時予旣得以奉親又間出以濟人其收効也多矣蓋其中用藥斟酌得宜俱有定論但只問證發藥無不奇驗每常念不能普濟人爰命鋅刻以廣流傳使有疾者咸遂生全實所願也嘗洪武丁丑孟春章貢淵然道者書

顏氏漢便產須知

淡生堂書目二卷

存

高賓序曰醫小道也而有仁人之功君子雖不為亦不廢也矧有係於嗣續之重切於人道之常至理所寓而教存焉者哉家自先祖芬菴府君強於藏書百家兼收得此寫本曰便產須知蓋醫流書也用之家示之人施無不利知其為良久矣先君子嘗曰古有胎教茲寔近之每念廣施而未及也今年夏伯兄懋齋千里封寄且示曰先志也卒之予惟產之為疾家必有之而其為醫人不盡克且以秘在閨室

違遠嫌疑於凡起居澡浴之宜幽暗纖微之務有非盡外醫所能預者然一失其理則子母俱殆天厲之大係者二焉是豈尋常痰疾倫哉此其為書所宜家置一編而不繁者也矧果如其所諭而百慎之則所謂形容端正而才過人者亦在其中矣念先志之攸存又不害為仁者之事茲故梓行以與吾人共也請嘗試之必有可觀時弘治庚申歲十有一月上

幹賜進士文林郎知瑞安事江陰高賓識

劉氏倫齊世女科經驗全方

一卷

存

俞氏橋廣嗣要語

三卷

存

總論曰：盡萬物而觀之，山無不草木，地無不黍稷，人無不生。育要之得其養耳，得其養則磽者肥瘠者以沃，草木何懼乎？不蕃黍稷何懼乎？不秀夫人亦由是也。苟形質強壯而嗜慾無節，久之不免虛衰，賦稟怯薄而攝養有道，終焉亦能完實。不特少健而老衰，早壯而晚憊，滋悟保護之間，固不以挽秋冬而復春夏也。昔者名醫羅天益壬戌午春桃李始華，雨雪厚寸一園，叟令舉家擊樹墮雪，焚草於下。是年他果蕭然而

此園大熟，然則天地之氣尚可以力轉移於人之身，豈無所用其術哉？橋乃不慙愚昧，積以平日所聞縉紳方士之說，質諸古今名家論議，著為調理精血直指直源男女服藥三論。陰陽虛實四圖合用方法三十五道，附經驗秘方，號曰廣嗣要語，精切曉明，纖效弗隱。信此以行，將見天下無不父之男，無不可母之女，而益強斯之應，比屋皆然矣。

薛氏已女科撮要

醫藏目錄二卷

存

嗣產法論

一卷

存

張氏聲道 產科大通論方

國史經籍志一卷

佚

趙氏輝 胎產須知

國史經籍志二卷

佚

亡名氏 女科樞要

國史經籍志四卷

佚

辨疑集

國史經籍志三卷

佚

萬氏全 廣嗣紀要

五卷

存

萬全曰全嘗著廣嗣紀要一曰脩德以積其慶二曰寡慾以全其真三曰擇配以昌其後四曰調元以却其疾五曰協期以會其神遵而行之有子之道也若山水之靈所禱之應必

有德無慾者，天地交感，志意潛通，不第無子而獲，孔釋抱送之祥矣。否則徵福於冥冥之中，其不為天地厭之者幾希。婦人秘科

三卷

存

廣嗣精要

未見

按右見于羅田縣志

徐氏春甫婦科心鏡

三卷

存

徐春甫曰：婦人之疾，惟調經胎產為至要。固有大異於丈夫，只云婦科者，恐先此也。其餘雜病，多與男子同。茲專集胎產須知一卷於前，分折雜證二卷於後，俾檢閱者知所先後重輕焉。

蠡斯廣育

一卷

存

汪衢序曰：蠡斯要育者，孰集之？徐氏汝元集而傳之，以公於人也。汝元，余故友，襄府典膳，鶴山遺腹子也。生質敏穎，幼從

學於大學。生葉光山。攻舉子業。既而多病。復問醫。學於余族姪子良子良素。以醫術鳴時。汝元以儒通醫。故其術易精。其存心每每以濟人爲急務。弗規於利。良可嘉也。頻往來於余。常以素問脈理病機治法。及劉李張朱諸氏之書。詰之。汝元皆亶亶條析。隨問隨對。畧無疑滯。此見汝元醫有所本。業有師承。非復近時俗醫。記本草而療病。泥古方而藥人也。不佞凡醫書。自上古軒岐靈素。歷漢唐宋。而至於我皇明。作術之行於世者。二百餘家。汝元悉究精微。叙而集之。名曰古今醫統。凡有關於醫者。靡不博極該詳。誠集諸醫之大成者也。蠡斯廣育卷。余披而閱之。有原始要終論。陰虛論。調經諸論。尤

見生生不息之功多。余嘉其有心得之妙。鑿鑿至有理。諄諄懇懇。以嗣續爲重。果能體而行之。未必無蠡斯之產也。其用心亦仁矣哉。胡雲峯云。醫而儒。明醫也。汝元以之。汝元名春甫。思鶴號也。齡青質穎。該博群集。而况精義不已。誠爲鳴世之士云。新安韓溪道人汪衢序。

蔡氏 龍陽 蠡斯集

醫藏目錄一卷

存

按是書百家名書中所刻改名題曰廣嗣須知

胡氏 文煥 香奩潤色

一卷

存

胡氏闕名濟陰方

未見

亡名氏婦人明理論

未見

婦人千金家藏方

未見

婦人經驗方

未見

按以上四種見于本草綱目

張氏文遠保生集要

一卷

未見

金壇縣志曰張文遠字振允善醫尤工於胎產著保生集要一卷提學副使馮序之以行萬曆四十年授太醫院官

亡名氏產科大全

醫藏目錄卷闕

未見

齊氏仲甫產寶百問附產寶雜錄

醫藏目錄二卷

未見

王氏肯堂

女科證治準繩

五卷

存

王肯堂序曰婦人有專治方舊矣史稱扁鵲過邯鄲聞貴婦人卽爲帶下醫語兼長也然帶下直婦人一病耳調經雜證懷子免身患若百出療治萬方一帶下寧渠盡之乎世所傳張長沙雜病方論三卷婦人居一焉其方用之奇驗亦弗廣何孫真人著千金方特以婦人爲首蓋易基乾坤詩首關睢

之義其說曰特須教子女學習此三卷婦人方令其精曉卽於倉卒之秋何憂畏也而精於醫者未之深許也唐大中初白敏中守成都其家有因免乳死者訪問名醫得答殷備集驗方三百七十八首以獻是爲產寶宋時濮陽李師聖得產論二十一篇有說無方醫學教授郭替中以方附焉而陳言無擇於三因方評其得失確矣婺醫杜菽又附益之是爲產育寶慶集臨川陳自明良甫以爲諸書綱領散漫而無統節目諄略而未備醫者局於簡易不能深求徧覽有終進一方不効輒束手者有無方可據揣摩臆度者乃采摭諸家之善附以家傳驗方編葺成篇凡八門門數十餘體總二百六十

餘論論後列方綱領節目燦然可觀是為大全良方良方出而閨閫之調將大備矣然其論多採巢氏病源什九歸諸風冷藥偏穢熟未有條分縷折其宜不者近代薛己新甫始取良方增注其方論酌寒熱之中大抵依於養脾胃補氣血不以去病為事可謂救時之良醫也已第陳氏所算多上古專科禁方具有源流本末不可昧也而薛氏一切以己意芟除變亂使古方自此湮沒余重惜之故於是編務存陳氏之舊而刪其偏駁者然亦存什之六七而已至薛氏之說則盡收之取其以養正為主且簡而易守雖子女學習無難也若易水救水師弟則後長沙而精於醫者一方一論具掇是中廼

它書所無有挾是而過耶鄆庶無道少之患哉其積德求子與夫安產藏衣吉凶方位此皆非醫家事故削不載云稿成而兵憲蔡虛臺公明府涂振任公助之贊刻行之以為此亦二公仁政萬分之一遂不復辭萬曆丁未早秋念西居士王肯堂字泰甫書於無任菴

許氏兆禎女科要論

未見

衍嗣寶訓

未見

按右見于吳秀醫鏡序

存

王肯堂序曰世之什襲而藏者金玉玩好已耳稍有關於世則烏得什襲而藏之關於世者兵農錢穀重莫與醫埒也老人弱子又莫若妊婦重也蓋人之身一而妊婦之身二方兒為胚胎性精血而身母腹母寒熱為兒寒熱母虛實為兒虛實或曾於此可少忽乎顧幃幙中乍佩宜男而輒先露草者且比比然豈妊家固有專門治驗未多靈劑耶予每慨於斯一日張孝廉心如過予燒燭檢書閱數十笥獨胤產無成編相

與咨嗟永夜為出所藏付之訂梓噫古今怵惕惻隱之心能於嬰兒者其於兒之始基更何如乎證類若干條方採若干首妊家胎產前後纖悉備列庶取諸左右無不逢原猗歟盛矣予敢恡一標示而使如金玉玩好同敬襲中也夫念西居士金壇王肯堂字泰父題

張受孔序曰予昔在括蒼其府庫多奇書守茲土者雲間新宇俞公館穀不佞得盡閱焉於岐黃別竒有產便數種予請携歸間以試之室人無弗効也試之親故無弗効也叩之業是又弗有知也欲梓之以廣其傳計偕上春官弗逮而室人重身竟殞於產中過聽庸醫家弗知檢也予痛恨甚焉居無

何俚遠文婦一如室人之誤而弗知救一月之間室婦相次
殞者三四噫是予過也衣珠而弗之省也過金壇懷之以質
字泰王公并得王公手錄遠文梓之名曰亂產全書談者乃
侈曰是書也成可以贊天地之化育予何敢遠文亦何敢弟
吾兩人均傷弓之鳥觀傷弓者不覺故瘡痛如衆人得不龜
手之藥因欲盡愈夫水戰者耳不敢望封爵其敢擬天工先
哲謂一从之士苟存心於利物必有所濟吾兩人任斯語已
矣若夫雲間俞公之授是書金壇王公之參是書功德不可
思議者也今而後家置一冊乃可海陽張受孔題

張氏文以 玉泉子金閨秘方

一卷
存

李氏盛春 亂嗣全書

一卷

存

王氏化貞 產鑑

二卷

存

陳氏治道 保產萬全書

一卷

存

陳治道序曰生育煩人之常非病也故不用藥不延醫瓜熟蒂落原無難生倒生橫生之異歲時無不罹此苦者繇女流生長閨閣理即載書何曾習聞臨產時徒以兩命寄一穩婆之手遇老練善良者順緩急而調之子母俱適於安此亦偶中而非諳於理也值蠢而惡者全昧節次率意妄施或順令之逆驚駭索財因而傷命道甚憫焉不忍此理不明於世因據胎產古本參以耳目見聞集為一書不敢文者易通曉也此書也尤在夫君居常與煩講論庶受胎便知保攝臨產自有主張而又穩婆各習此書明其節次當不致倉皇失序悞

人之性命也則是書尚有濟哉 蕪陽陳治道謹序

錢氏國賓 女科百病問答

四卷

存

按是書與前卷所著丹溪產寶百問毫無差異山豈書估以錢氏之書剽為朱彥修所撰者歟 國賓字君穎浙錢塘人

女科百病補遺

一卷

存

李氏長科胎產護生篇

一卷

存

小引曰予壯歲艱嗣服祖傳秘方聯舉六子每值閨中坐草時輒為魄動心驚壬申夏產第四兒難甚兼以收生老媪老而駭母若子幾致俱殞亟用草麻子微幸無恙因是發願輯胎產護生篇即欲刊行以為保妊婦嬰兒生死關頭第一着遷延至今僅得家大人已試良方一帙耳會予友乳遷孫仲氏授我產要一書為四明卜氏所傳又復旁搜遍採共成茲編亦既備厥苦心矣但保妊自受胎始前此諸證有婦科

端門在予不問也保嬰女自出胎數日止後此諸證有幼科端門在予亦不問也因迹顛末如此廣仁居士李長科小有氏亡名氏廣嗣秘旨

十卷

未見

按見于許慎瘍科選粹凡例

自皇甫氏秦產寶

未見

按右見于浙江通志

陳氏鶴溪濟陰舉要

醫藏目錄卷

未見

七名氏保室方

醫藏目錄三卷

未見

集驗廣嗣珍奇

醫藏目錄卷闕

未見

氏師均濟生婦人方

醫藏目錄一卷

未見

七名氏保產育嬰

醫藏目錄二卷

未見

錢氏大義求嗣秘書

醫藏目錄四卷

未見

袁氏黃祈嗣真詮

醫藏目錄一卷

存

鄭氏關名問答十四門

醫藏目錄一卷

未見

胡氏孝種子類纂

醫藏目錄一卷

未見

七名氏大生方論

未見

祝以寧序曰夫生人生物者天地也故曰天地之大德曰生天地之生惟大德而後知鼓潤燠散原隰肥磽德也非所以德

惟人其然竊嘗閱世而知凡人之首生德者即與天地合其人必多男子蓋化醇化生自有嘿相搏挽之理而血氣筋骸之盈虧強弱不與焉故古稱舜德好生其以大德獲福究至于子孫保之而經傳所紀惟舜以九男二女特聞理有固然亦何足異今岐黃家謂人之生本於精血而精血統於腎與命門此其說固無以易余則謂人與天地合其生德者非腎與命門乃心也即岐黃家亦豈不以心為五藏六府之君子復見天地之心正見生生之心天地生生之心正為大生之德而先儒言心如穀種言生生也釋氏亦謂萬物生於心道家謂衆妙之門在谷神不死由斯以觀此心之中冲然湛然

總是生機生理而一毫陰刻噍殺之象不得而蝕之心生則百脈皆生精與血無不隨之而生者所謂與天地合其德先天而天弗違者也。即陰德之說吾猶以為是後天之補助不免落第二義而况藥物乎哉且不獨男子也婦之婉嫕淑順以婦德稱者率云宜子彼亦具有天地之心德與男子合亦屬先天至於醫方之有百子九子六神二仙用以補助精血詎不奇中然皆後天而奉天時者也余持此說以閱世徵應百不失一今讀大生子所撰著余未能一一悉其義然有味乎大生而為言也自大生方論行而以後天補先天以先天券後天當萬不失一。詒美堂集

趙氏獻可 邯鄲遺稿

未見

單氏養賢 產寶新書

未見

蕭壘曰趙獻可邯鄲遺稿單養賢產寶新書為胎產秘笈世所罕讀

龔氏定國 內府秘傳經驗女科

一卷

存

亞齋居士達生編

一卷

存

小引曰胎產非患也難產則爲人患人患不殄則歸之于天。天何尤乎亦唯求之人事而已。此編專爲難產而設蓋區區一得之思亦即區區一點真誠之念倘能熟者謹行皆可先生如達于是人患弭而天德叶矣然知之而不言非也聞之而不傳亦非也好生者見之宜爲廣布有力者重刻通行無力者手鈔數冊口授數人隨分所至未必非吾儒同胞同與之一事吾人利濟爲懷原非求福然積善餘慶必有攸歸達天德也但此編揣摩印證委係無疑允重刻手鈔時不必

改動尤不必增入方藥以相矛盾耳康熙乙未天中節亟齋居士記于南昌郡署之西堂

武氏之望 濟陰綱目

十四卷

存

四庫全書提要曰濟陰綱目十四卷國朝武之望撰汪其箋釋之望字叔卿自署關中人其字瞻漪一字右子錢塘人是書所分門目與證治準繩之女科相同文亦全相因襲非別有所發明蓋卽王眉堂書加以評釋圈點以便檢閱耳

岳氏甫嘉 妙一齋醫學正印種子編

二卷

存

岳甫嘉序曰：種子編乃予醫學正印編之一也。合女人調經、固胎、護產為上下卷。藏之笥中久矣。曩在全陵時，侍御趙公勸予授之梓。予見蠻兒飲水如藥，未便購梓，及隨任禹抗半載，見兒懸魚之署，垂索更甚，是編幾付之塵蠹。無復公世想，適觸杭城中，有標榜通衢，鬻打胎絕產之方為業者，其術之不仁，一至是兒。雖禁示頗嚴，未必無一二潛鬻以圖射利者。天下徃徃有求嗣而艱育者，延懷妊而反欲墮之，不幾拂天地好生之德乎？予于是出是編，命兒曰：寧減我輩衙齋之膳。

亟授之梓，以告杭人，并以告天下之為杭人者。庶不至習為殘忍刻薄之業，緣是而減口腹之奉，可以惜福習保身之法，可以延年得廣嗣之意，可俾天下男無不父，女無不母，為當今聖天子成一多福多壽多男世界，予與爾之心不更恆乎？

蠻唯唯旋付剞劂。

女科全編

未見

錢處士闕名

繡閣寶生

大生要旨作繡閣保生書

未見

湯處士闕名

保產機要

一卷

存

柯煥序曰秦郡湯處士保產機要一冊余近得讀之見其簡切諄復謀付重梓杜子瑩陽又以錢處士繡閣寶生遺余所言脗合余因編簡醫書朱丹溪產寶百問楊子建十產論陳自明婦人良方參考互訂始知湯錢兩編皆本於先詰而疏行詳明一覽盡見余遂以機要為主存其確論節其冗言補其未備之條載以經驗之劑至易至簡可遵可行居家者其可忽諸至若胎前產後各證浩不及載惟臨產一關醫家不能措手故著為通俗之言以行於世云丙辰秋日吳鶚集菴

柯煥識

李氏春茂 婦人諸證辨覽

未見

按

李氏仲梓 女科微論

未見

按

王氏宏翰 性原廣嗣

未見

女科機要

未見

按右見于吳縣志

蕭氏壘女科經綸

八卷

存

蕭壘序曰兩儀定位陰陽肇分天地即以陰陽化生萬物故經云陰陽者天地之道萬物之綱紀變化之父母而男女其陰陽之始也聖人以六經垂教萬物易始乾坤詩首關雎書傳釐降禮著內則春秋載王姬蓋以夫婦爲人道之造端而婦人乃孳育化原之本是以揆調燮之術者不可不於婦人

之病爲獨重也自寇宗奭謂寧醫十男子莫醫一婦人以婦人病四診有所不能盡而其所患者多隱曲不可述如月經胎產至崩淋帶下俱屬鄙瑣難以言示然而婦人之病惟茲諸證爲最要故著書專於茲尤不可不亟講也余纂輯醫學經綸博極群書兼綜條貫凡雜證得一百六十有三採摭名賢之論七十條有奇而婦人月經諸證不與焉誠以婦人之病莫重於月經胎產崩淋帶下是以別立標名曰女科經綸凡一切內外虛實寒熱各有條序按之畧方名詳治論俾學者知所從事其於婦人病度母患治療之倍難於男子也司馬子長稱扁鵲過趙聞邯鄲貴婦人病帶下即爲帶下醫夫

婦人病不止於帶下而扁鵲所過隨以其名聞諸侯間知古
人留心於婦人病蓋慎且重也今之醫者非如扁鵲遇長桑
君授上池神術舍昔聖昔賢之論而欲冀為洞垣之見不其
難哉苟有志斯其以是編為規架焉繩墨焉可也康熙甲子
歲孟秋七月携李棘人蕭壩賡六氏漫識

程氏雲鵬種嗣玄機

未見

程雲鵬曰天地雖極凝寒生理未嘗謝絕元精不蓄必情于
方士金丹或閉塞于窮愁哀怨或田之膏腴或疲于奔命自
棄而已天地何心又有堅持經朔之談妄冀葭吹六管捕影

捉風徒令若敖氏笑而引為同病慈幼符序

陳氏治濟陰近編

五卷

存

濟陰近編附纂

一卷

存

吳氏儀者儀者女科宜今

未見

按右見于傷寒分經九例

唐氏十頃 大生要旨

五卷

存

秦氏之禎 女科切要

未見

按右見于陳懋寬傷寒大白序

吳氏道源 女科切要

八卷

存

馮氏兆張 女科精要

未見

按右見于錦囊秘錄

沉氏金鰲 婦科玉尺

六卷

存

自序曰尺者劃分寸量短長取其準也尺而以玉為之分寸所劃堅久不磨尤準之準也余竊思短長之數必取準於尺於物然於病亦然于婦女之病更無不然何則婦女深居閨房則情不暢婦女見地拘局則識不開婦女以身事人則性多躁婦女以色悅人則心偏妬稍有不遂即為憂思憂思之

至敬爲怨怒不知憂則氣結思則氣鬱然則氣沮怒則氣上
血隨氣行故氣逆而血亦逆血氣乖爭百疾於是乎作及其
疾作又若不自知卽或知之而幽私隱曲又不肯自達且多
掩弊于是其家委之醫醫一憑之脈而此翕翕跳動之脈欲
藉以測婦女幽私達婦女隱曲毫釐千里貽福不少豈非妄
意揣度而未知用玉尺以量之且用玉尺以求得其準乎昔
者倉公診女子知其欲男子不得脈出魚際一寸是以玉尺
量準者也古來如倉公之醫者不乏要皆量以玉尺而能準
者舉古人爲法求得其準焉夫何幽私隱曲之不可達哉雖
然言醫之書甚繁其不能讀者無論已有能讀者苟非識

精見卓確有把持將此紛紛聚訟者何自援以爲準余故不
憚參稽著爲婦科六卷所言諸病必按脈切證要子的當不
失幽私隱曲之所在摘錄前人之語及方悉皆至精至粹百
用百效者以是而當尺之分寸庶幾如玉所劃堅久不磨取
以量婦女病應無不得其準之準者歟乾隆甲午清明前二
日無錫沉金鰲魚自書

舒氏詔女科要訣

一卷

存

醫籍考卷七十三

井出宗仙寫

